

重修清苑縣志序

昔吾浙章先生實齋論修志體例至詳至悉凡昔人方志少所許可即世所稱朝邑武功靈壽諸志亦掇擊不遺餘力夫陸清獻之志靈壽兢兢焉戒紛更戒侈靡可謂仁人愷悌之言立意至美善矣章先生顧猶摘其瑣瑣者辯論不已章先生自負有史才史學其所訂永清縣志當可信今傳後曠世無遺憾矣乃人旋議於其後且或譏以泥古自是矣修志之難蓋如此其甚也清苑縣志自有清康熙十六年時君來敏踵前志而纂修歷二百年至同治十一年李君逢源始再修李君再修之後迄今又六十餘稔矣其間魁儒杰士孝義貞烈足以資觀感厲世俗而幽隱沈滯亟待表彰者不知凡幾矧自國體變更一切法制

舍其故而新是謀凡典禮之廢興賦役之繁簡戶口之盛衰與夫人心風俗之醇澆今昔殊多變遷當是時也而議修志其難蓋尤甚焉以

良驥

之謏陋何足任此乃自二十年九月由冀縣

量移茲土適奉纂修志書之命事不獲已聞往年宋觀察文軒懼文獻之廢墜嘗有志重修以編輯之任誣諉姚君丹坡乃因調查未當而中輟未底於成惜哉惜哉今仍以編輯之任付託姚君復旁延邑之耆舊賢能分任其事李志雖或議其簡略然大體與世所稱傑出之作尙無違異且其序謂規模仍率舊章又謂以紀實爲主不尙浮文是其宗旨固甚當也區區之愚亦以爲率舊爲宜不過於其條目量爲更訂而已至於新政之紛然興舉則博采而增益焉采訪或有未具姑付闕文之列亦猶

前志之以翔實爲主也以斯旨商之丹坡諸君子僉以爲可乃假古蓮花池水東樓招集同人於去年季春經始迨今年仲夏葳事網羅遺佚蒐攷典章聊以備心乎政俗者之采擇云爾若云成一家言信今傳後則俟後之博雅君子焉

岢

民國二十二年秋知清苑縣事浙江杭縣金良驥謹序

重修清苑縣志序

司一邑之政治則必以一邑之志乘爲導師余以蠡人來斯邑供職地幸接壤平昔所見聞無虞隔閼顧參稽之具猶待載籍慮有不備或涉傳疑乃余方履新而新修縣志適屆告成余受讀之詳明出意表然後知邑君子搜討之勤與前宰督飭之謹所留以惠余者孔多也今志當付梓而徵序於余余附名成事良愧叨竊獨念凡事後起者勝此進化之公例而國家自建民主揚民治則一邑之史其關於民事之重亦且百倍於前茲志之出適膺其時作者苦心必當不沒余爲初讀先睹稱快義當揚引以昭來許爰書數語俾並刊之

民國二十三年三月調署清苑縣縣長蠡縣劉雲亭謹序

清苑縣志

前署清苑縣縣長金良驥裁訂
調署清苑縣縣長劉雲亭參訂

總纂

姚壽昌

協纂

周維章

參校

賀宗儒

分編

沈同祿

許育瑄

兼校對

張國昌

陳其義

張孟麒

湯傑

韓景韓

李潤生

苑壽朋

采訪主任

劉孟震

采訪員

沈際平

許育璫

嚴先泰

韓芳林

甯乾昌

戴錫章

姚成業

蘇翹漢

臧一民

王任遠

楊銓

王西園

馮蔭棠

魏甫玉

張景揚

王之謙

楊子丹

繪圖
校對

張兆鳳

張志南

張及弗

王德鄰

魏振武

吳文瑄

趙紀瑞

霍景忠

常介仁

劉金生

許育瑄

劉述祖

張振華

丁 澧

陸 燿

凡例

一茲編大體仍照舊志惟於條目量爲更訂

一志者所以述往事傳來茲也故於官制典禮及一切建設今雖更變仍照舊志紀錄以便後人稽攷惟於各項註明今廢或停辦

一方志大率有藝文一門卽舊志大綱亦有文徵茲編以文之見於碑刻者列於金石其流連風景之作概不載入若與其人其事有關者則用武功志例附於各條之下

一舊志所載雜文有無類可歸而又有關一方利病者則照靈壽志例於卷末設附錄一門

一吳摯甫先生深縣風土記有敘錄卽舊志亦備載前人序文

茲取舊序列於附錄之末

一采訪或有未詳姑付闕文之列未敢增會猶前志以紀實爲主之意也

地理

自元明清建都北京清苑爲京師門戶最稱要害有軍事則爲豪傑必爭受禍亦至酷烈而土地磽薄又無名山大澤可資爲利是以民俗儉而尠殷富溯自有清定鼎與民休息稍安輯矣迺自末葉迄於今日北方多事連歲興戎夫馬之徵調糧秣之取求供億紛綸斯民竭其脂膏疲於筋力蓋可想見矣異日采風問俗及於茲土倘有閱其凋瘵而思所以惠鮮懷保者耶志地理

疆域

東四十七里至安新界抵安新縣治六十里
西三十里至滿城界抵滿城縣治四十里

原名安州民
國易今名

南七十里至博野界抵博野縣治九十里

北十里至徐水界抵徐水縣治五十里

原名安肅民
國易今名

東北三十里至徐水界至容城縣治九十里

東南三十五里至高陽界抵高陽縣治六十五里至蠡縣九十里

西南二十五里至滿城界至望都九十里至安國一百二十里

安國原名祁州
民國易今名

東北至北平三百五十里

舊日京師於民國
十七年更名北平

東西廣六十里

南北袤八十里

縣西南隅張家營村於民國四年劃歸安國

張家營一村向爲清
定安國五縣管轄因

辦理教育警察各政請保定道尹委員國勘十月間經清苑縣長唐會同奉省
望及安國各縣長呈請保定道尹委員國勘十月間經清苑縣長唐會同奉省
長朱訓令
照准備案

星野

春秋元命苞曰箕星散爲幽州分爲燕國不及尾者統言之也
史記尾箕幽州尾爲析木之津於辰在寅燕之分野漢志燕地
尾箕分野也自尾四度至斗六度謂之析木之次燕之分野
後漢志自尾十度至斗十度百三十五分而終曰析木之次於
辰在寅謂之攝提格於律爲應鐘斗建在寅今燕分野
晉志自尾十度至南斗十一度爲析木於辰在寅燕之分野屬
幽州

魏太史令陳卓更言郡國所入宿度尾箕燕幽州上谷入尾一
度漁陽入尾三度右北平入尾七度西河上郡俱入尾十度涿
郡入尾十六度渤海樂浪鉉菟廣陽俱入箕度中

隋志冀州古堯都舜分冀幽并三州天文自胃七度至畢十一度爲大梁屬冀州自尾十度至南斗十一度爲析木屬幽州唐志尾箕析木津也初尾七度二千七百五十秒二十一少中箕五度終南斗八度箕與南斗相近爲遼水之陽盡三韓之地樂浪鉉菟孤竹九夷之國及吳越東南尾得雲漢之末派龜魚麗焉當九河之下流賓於渤碣皆北紀之所窮也

宋志天市垣二十二星在氏房心尾箕斗內宮之內東蕃十一星南三曰燕八曰中山九曰九河十曰趙

明一統志保定府天文尾箕兼畢昴分野 按保定南爲趙畢昴分野北爲燕尾箕分野費直周易分野燕起尾九度蔡邕月令章句燕起尾四度魏太史陳卓燕分野入箕尾度各不同以

二星分野所入觀之保定爲燕上谷地清苑曾屬涿郡而樂浪
鉉菟廣陽皆遼左之疆以此推之清之分野當在尾矣故於尾
獨詳焉

以上舊志

清苑居北緯度三十八分有九在北京觀象臺西經度十分之
八位置在河北省之中